



Consortium De Orllewin a Chanolbarth Cymru Fforwm Partneriaeth Ranbarthol De-orllewin Cymru

Adroddiad Diweddar: Mawrth 2010

Cyflwyniad

Mae'r diweddiariad hwn o waith consortium yn rhoi trosolwg o'r cynnydd yn 2008-09, crynodeb o Gynllun Strategol Gwaith Consortium 2009-2010, crynodeb o werthusiad data perfformiad ar lefel ysgol ac awdurdod lleol a thystiolaeth o ddatblygu aeddfedrwydd gwaith consortium. Mae pob awdurdod yn ymroddedig i ddatblygu gwaith consortium er mwyn galluogi blaengaredd ac effeithlonrwydd drwy roi'r grym i staff ac awdurdodau gydweithio a gwneud pethau'n wahanol. Mae'r gwaith yn ymgymryd ag egwyddorion diwygio ar dair lefel, lle mae pawb dan sylw yn rhannu nod cyffredin, sef gwella canlyniadau i bobl ifanc. Mae ffocws gwaith consortium ar wella ysgolion, a gwella safonau dysgwyr a lles yn fwy penodol.

1. Crynodeb o Adolygiad Cynllun Strategol Gwaith Consortium 08-09

Adolygir a diwygir y Cynllun Strategol Gwaith Consortium bob blwyddyn. Roedd y cynllun yn un uchelgeisiol gyda chanlyniadau amrywiol. O'r dechrau, cydnabuwyd y byddai rhai o'r canlyniadau yn rhai tymor canolig, ac y byddent yn cael eu cynnwys yng nghynllun y flwyddyn ganlynol hefyd. Mae'r adolygiad yn gwerthuso'r cyflawniadau, y cynnydd at gyflawni'r canlyniadau y cytunwyd arnynt a'r gwersi a ddysgwyd.

1.1 Cyflawniad

- Dangosodd yr adolygiad y cyflawnwyd 52% o amcanion 2008-2009, gan greu effeithlonrwydd drwy waith consortium. Cyflawnir effeithlonrwydd drwy weithgareddau amrywiol sy'n ychwanegu gwerth at waith pob awdurdod, a gallant fod yn ariannol neu beidio. Mae'r potensial ar gyfer arbed arian yn sylweddol o ystyried graddfa gyfredol y gwariant cyffredinol gan y chwe awdurdod, ond yn ogystal mae cyfle sylweddol am effeithlonrwydd nad yw'n ariannol (gwerth ychwanegol), ac i ddatblygu gweithio ar dair lefel.
- Roedd y gweithgareddau amrywiol a ychwanegodd werth gan gyflawni effeithlonrwydd yn cynnwys:-
 - cyflwyno gwell gwasanaethau - gwasanaethau mwy effeithiol sydd wedi'u hestyn ar gyfer adnoddau presennol, a fydd yn cael ei gyflawni ar unwaith oherwydd bydd yn adeiladu ar wasanaeth sydd eisoes yn gwella
 - swyddogaethau a rennir - swyddogaethau'r gwasanaethau y gellir eu rhannu ar draws y Consortium
 - swyddogaethau cydgyfnewidiol - rhannu arfer a datblygu hawl cyffredin
 - arbedion maint-gwaith traws ffiniau mewn meysydd lle mae nifer y defnyddwyr a'r galw'n isel
 - cynyddu amser cynhyrchiol, llai o amser teithio i staff a llai o ddyblu datblygiad
- Mae'r cyflawniadau'n cynnwys
 - Rhaglen Cyfleoedd Datblygu Proffesiynol ar y Cyd ar draws y chwe awdurdod ar gael ar-lein i staff ysgolion
 - Broceriaeth ranbarthol i gefnogaeth gwella ysgolion y cytunwyd arni
 - Sicrhau arian datblygu o ffynonellau amrywiol, gan gynnwys APADGOS a CACC
 - Effeithlonrwydd ariannol ac fel arall mewn meysydd amrywiol gan gynnwys RhP, CALU, RHAGORI, Hyfforddiant RhYC, Athrawon Siartredig, ACA, Pontio, Datblygu Staff, Data
 - Cyflwyno RhP i benaethiaid a rhaglen asesu CALU yn llwyddiannus
 - Cyflwyno tendr yn llwyddiannus ar gyfer dau fodiwl Athrawon Siartredig
 - Datblygu deunyddiau crai i raglen arwain canol i athrawon
 - Datblygu Peilot y Marc Safon Cynhwysiad
 - Datblygiad ymagwedd beilot llwyddiannus i'r FfEY a'i rhoi ar waith
 - Cyflwyno rhaglen Hyfforddiant Anogwyr Dysgu'r Consortium
 - Ymatebion ar y cyd i fentrau amrywiol (FfEY, RHAGORI, RhP, CALU) a dogfennau polisi (Cynllunio Lleoliadau Ysgol, CYG, Derbyniadau, FfEY, Mesur 14/19, RHAGORI)
 - Cryfhau cysylltiadau â phartneriaethau ehangach, gan gynnwys PDDRDC (Partneriaeth Ddysgu Ranbarthol De-orllewin Cymru), Consortia Cymru, Continyou Cymru etc.
 - Cryfhau cysylltiadau ag APADGOS ac Estyn, gan gynnwys Data, CYG, FfEY, RhP, RHAGORI, Ysgolion yn eu Cymunedau, Cynhwysiad, 14/19
 - Mae adolygu cynllunio a threfniadau monitro rheolaidd yn effeithiol, gan gynnwys adolygiad strategol llawn

1.2 Cynnydd tuag at gyflawni'r amcanion dros ben

- Mae rhai meysydd gwaith sydd heb eu cyflawni oherwydd rhwystrau allanol, gan gynnwys oedi Polisi Cenedlaethol/arweiniad, na fedrwn eu rheoli e.e. cyhoeddi NSEIPS, VLE, alinio FfEY
- Mae methiant un neu ddau o Awdurdodau Lleol i fynychu a chyfranogi'n gyson wedi cael effaith negyddol ar allu grwpiau i wneud penderfyniadau pwysig o fewn yr amserlen a ragnodwyd/y cytunwyd arni.
- Cynnydd araf ar ddatblygu mewnbwn aelodau a phenaethiaid i fonitro/cynllunio strategol
- Datblygu GAP a broceriaeth wedi'i gyfyngu gan ddiffyg datblygu a chyflwyno hunanadolygiad, proses werthuso allanol a data perfformiad
- Gwaith broceriaeth a chronfa ddata SDC heb eu hehangu i feysydd o angen diffiniedig ac ymgynghorwyr allanol oherwydd yr angen am brosesau SA y cytunwyd arnynt, oedi wrth sefydlu data perfformiad a'r effaith ar gynigion trefniadau ailstrwythuro'r Awdurdod Lleol

1.3 Gwersi a Ddysgwyr

- Mae cadeiryddion a hwyluso effeithiol yn symud y gwaith yn ei flaen, gan gyflawni deilliannau
- Mae ymddiriedolaeth a dealltwriaeth proffesiynol yn datblygu - mae pobl yn llawer mwy parod i fod yn agored, i rannu arferion da ac i ddatrys problemau i eraill yn y grŵp.

2 Crynodeb o Gynllun Strategol Gwaith Consortiwm 2009-2010

Datblygwyd Cynllun Strategol 2009-10 yn dilyn Adolygiad Strategol gwaith consortiwm ac wrth ymateb i ysgogwyr cenedlaethol a blaenoriaethau lleol. Mae gwerthuso perfformiad a hunanadolygu yn cefnogi'r blaenoriaethau yn y cynllun, a'r cynllun yn mynd i'r afael â'r meysydd a nodwyd a'r meysydd i'w datblygu ar draws y consortiwm. Mae pwyslais cynyddol ar dderbyn cyfrifoldeb i sicrhau bod pob canlyniad yn cael effaith gadarnhaol ar safonau a lles dysgwyr ac yn arwain at ychwanegu gwerth at waith pob awdurdod lleol i gyflawni effeithlonrwydd drwy weithio ar y cyd. Mae'r cynllun yn ddyheadol ac yn ceisio datblygu'r arferion effeithiol a'r arbenigedd sy'n bodoli ar draws y consortiwm mewn ysgolion a'r awdurdod lleol.

2.1 Blaenoriaethau Gwaith Consortiwm

1. Monitro, Herio ac Ymyrryd

Datblygu proses fonitro, herio ac ymyrryd gyson gyda'r bwriad o hyrwyddo gwella ysgolion yn barhaus ar draws y consortiwm, gan barchu a chyfoethogi trefniadau lleol

- 1.1 Darparu craidd cyffredin y cytunir arno, gan gynnwys data perfformiad ysgol i gynorthwyo i feirniadu'n gywir
- 1.2 Nodi'r arweiniad, yr egwyddorion a'r prosesau cyffredin i staff AALI ac ysgolion
- 1.3 Integreiddio yr arfer gorau a nodwyd mewn hunanwerthuso, a'r gwersi a ddysgwyr o'r rhaglen beilot FfEY
- 1.4 Sicrhau alinio â Fframwaith Arolygu Cyffredin Estyn
- 1.5 Sicrhau bod yr egwyddorion a'r prosesau cytunedig yn cael eu cymhwyso'n gyson (gan gynnwys amrywiadau ALI)
- 1.6 Darparu monitro effeithiol a her ar raddfa uchel
- 1.7 Sicrhau bod ysgolion sy'n achos pryder yn cael eu nodi'n gynnar
- 1.8 Sicrhau cysondeb wrth ddarparu ymyriad a chefnogaeth effeithiol
- 1.9 Hwyluso nodi arfer effeithiol mewn ALI ac ysgolion drwy ddeialog broffesiynol reolaidd

2. Arweinyddiaeth Systemau

Galluogi newid systemau ynghyd â diwygio ar dair lefel ac sy'n ateb gofynion addysg yn yr 21^{ain} ganrif

- 2.1 Datblygu dealltwriaeth a rennir o arweinyddiaeth systemau rhwng ysgolion, awdurdodau lleol a LICC
- 2.2 Datblygu a rhoi ymagwedd ar waith i ddefnyddio arweinwyr systemau mewn ysgolion ac awdurdodau lleol i gefnogi datblygiad addysg effeithiol
- 2.3 Nodi sgiliau a galluoedd craidd arweinwyr systemau mewn ysgolion ac awdurdodau lleol
- 2.4 Sicrhau bod cyfleoedd datblygiad proffesiynol ar gael i arweinwyr systemau mewn ysgolion ac awdurdodau lleol
- 2.5 Hyrwyddo meddwl a newid system mewn ysgolion, awdurdodau lleol a LICC mewn ardaloedd penodol cytunedig
- 2.6 Datblygu gweithio ar y cyd i gyfrannu at gynllunio effeithiol lleoliadau ysgolion a'r defnydd gorau o adnoddau cyfalaf

3. Cefnogi i wella ysgolion

Ehangu'r amrywiaeth o gefnogaeth a gwasanaethau cefnogi ehangach sydd ar gael i ysgolion ac awdurdodau lleol, i alluogi gweithlu ysgolion ac awdurdodau lleol i ddylanwadu'n well ar ddysgu a lles plant a phobl ifanc.

- 3.1 Nodi'r amrywiaeth o gefnogaeth a dysgu a fydd ar gael i ysgolion ac ALI
- 3.2 Diwallu anghenion datblygu proffesiynol a nodwyd i staff ysgolion ac ALI sy'n deillio o flaenoriaethau gwaith consortiwm – Monitro, Her ac Ymyriad, Cefnogaeth Ehangach, Arweinyddiaeth Systemau a Chyfeiriad Strategol a Llywodraethu
- 3.3 Sicrhau cefnogaeth cyfoedion a rhannu arferion proffesiynol drwy rwydweithiau a chymunedau dysgu proffesiynol
- 3.4 Datblygu sgiliau addysgeg gan gyfeirio at arferion ac ymchwil myfyriol
- 3.5 Hyrwyddo datblygu gwasanaethau a rennir i gynyddu cynhwysedd

4. Cyfeiriad Strategol a Llywodraethu

Datblygiad pellach trefniadau llywodraethu a rheoli sy'n sicrhau bod gwaith consortiwm yn cynyddu cynhwysedd awdurdodau lleol, yn ychwanegu gwerth gweithio effeithlon ac effeithiol, ac yn cyfrannu at wella deilliannau i blant a phobl ifanc.

- 4.1 Darparu cyfeiriad strategol i waith consortiwm (yn y cyd-destun cenedlaethol a lleol), ac yn adolygu ac yn diwygio yn ôl y galw
- 4.2 Darparu isadeiledd a systemau cadarn i alluogi gwaith consortiwm effeithiol ac effeithlon
- 4.3 Sicrhau bod mentrau gwaith consortiwm yn destun craffu rheolaidd
- 4.4 Cael sicrwydd ansawdd effeithiol ar bob lefel
- 4.5 Bod trefniadau gwaith consortiwm yn alinio â'r themâu craidd ac elfennau allweddol y Fframwaith Effeithiolrwydd Ysgolion ac yn eu hymgorffori
- 4.6 Cael llais unedig ar drefniadau polisi cenedlaethol ac ymgynghoriadau allweddol
- 4.7 Darparu fforwm i ddatblygu cysylltiadau gweithio gwell gyda LICC a phartneriaid allweddol eraill
- 4.8 Sefydlu, monitro a chyflawni targedau perfformiad allweddol i wella cynhwysedd, defnyddio adnoddau'n fwy effeithlon a gwell safonau disgyblion

2.2 Ysgogwyr Cenedlaethol

Mae Ysgogwyr Cenedlaethol allweddol gwaith consortiwm yr un peth â rhai awdurdodau unigol. Mae nhw'n cynnwys y Ddeddf Plant, y Mesur Dysgu a Sgiliau (Cymru), Fframwaith Dysgu Plant 3-7 oed yng Nghymru, Fframwaith Effeithiolrwydd Ysgolion (FfEY), Creu'r Cysylltiadau a Fframwaith Arolygu Cyffredin Addysg a Hyfforddiant yng Nghymru. Blaenoriaeth allweddol yw mewnosod y FfEY. Bydd Cynllun Gwaith Consortiwm 2009-10 yn cefnogi'r broses o fewnosod y FfEY gan gynnwys cyfrifoldebau'r Model Gwella Ysgolion Cenedlaethol a amlinellir yn 'Datblygu System Genedlaethol ar gyfer Addysg yng Nghymru drwy Fewnosod y Fframwaith Effeithiolrwydd Ysgolion', cytundeb rhwng LICC a CLILC.

3 Crynodeb o Werthusiad Data Perfformiad, Lefel Ysgol a Lefel ALI

Fel rhan o brosiect Creu'r Cysylltiadau yn 2006-07, cynhaliwyd ymchwil amrywiol yn canolbwyntio ar berfformiad disgyblion, yr ysgol a'r awdurdod lleol, meysydd gwella posib a gweithio mewn partneriaeth. Bellach, mae perfformiad o 2006-07 tan 2009 wedi'i adolygu, a chymerwyd y cyfle i ailadolygu ac ychwanegu at gasgliadau blaenorol. Mae canlyniadau'r ymchwil yn tanategu ac yn cyfeirio Cynllun Strategol Gwaith Consortiwm 2009-10. Roedd yr ymchwil a gynhaliwyd yn canolbwyntio ar:

1. Perfformiad disgyblion a'r ysgol: 1.1 Arolygon Ysgol Estyn 2005-2009 ac 1.2 Perfformiad Ysgolion Tueddiadau Data Cyfnod Allweddol 1-4
2. Perfformiad yr Awdurdod Lleol: 2.1 Archwiliadau AALI Estyn 2005-9 a 2.2 Arolwg Canfyddiad y Comisiwn Archwilio 2009

3.1 Crynodeb o'r Canfyddiadau

1. Perfformiad disgyblion a'r ysgol

1.1 Adolygiad o Arolygon Ysgol Estyn 2005-2009

Ysgolion Cynradd

- Roedd canran ysgolion SWAMWAC a dderbyniodd y radd uchaf (da gyda nodweddion eithriadol) yn is na chanran Cymru gyfan i bob cwestiwn allweddol.
- Mae amrywiaeth eang yn y graddau ar draws SWAMWAC, ond mae nodweddion eithriadol wedi'u cuddio o fewn ffigur 'cyfartalog' pob cwestiwn. Cafwyd y lleiaf o ddiffygion yn CA4
- Y cwestiynau a raddiwyd isaf oedd Cwestiwn 1: Pa mor dda y mae'r dysgwyr yn cyflawni? a Chwestiwn 6: Pa mor dda mae arweinwyr a rheolwyr yn gwerthuso ac yn gwella ansawdd a safonau?

Ysgolion Uwchradd

- Mae ysgolion uwchradd SWAMWAC yn dilyn patrwm tebyg i'r ffigurau Cymru gyfan, ond yn ennill graddau uwch mewn tri o'r saith maes, sef Cwestiwn 1: 'Pa mor dda y mae'r dysgwyr yn cyflawni?', Cwestiwn 4: 'Pa mor dda yw'r gofal, y cyfarwyddyd a'r gefnogaeth i ddisgyblion?' (hwn oedd y maes â'r lleiaf o ddiffygion) a Chwestiwn 7: 'Pa mor effeithlon y mae'r arweinwyr a rheolwyr wrth ddefnyddio adnoddau?'
- Mae ysgolion uwchradd SWAMWAC yn dilyn patrwm tebyg i'r ffigurau Cymru gyfan, heb beri pryder yng Nghwestiwn 3: 'Pa mor dda mae'r profiadau dysgu yn diwallu anghenion dysgwyr a'r gymuned yn ehangach?' (Mae hwn yn welliant i'r safle a nodwyd yn ymchwil Prosiect Creu'r Cysylltiadau) a Chwestiwn 5: Pa mor effeithiol yw arweinyddiaeth a rheolaeth strategol?
- Y cwestiynau gyda phryderon yw Cwestiwn 2: Addysgu, Hyfforddi ac Asesu (doedd dim pryderon yn y maes hwn yn ymchwil Prosiect Creu'r Cysylltiadau) a Chwestiwn 6: Rheoli Gwerthuso a Gwella. (Mae'r sefyllfa hon yn debyg i'r canlyniadau a welwyd ym Mhrosiect Creu'r Cysylltiadau)

1.2 Tueddiadau Data ar Berfformiad Ysgolion Cyfnod Allweddol 1-4

Y pwynt cyfeirio i gymharu data yw canlyniad cyfartalog Cymru gyfan. Nid yw hyn yn rhoi'r darlun cyfan, am nad yw'n ystyried Prydau Ysgol am Ddim, neu ddata cyd-destun sy'n caniatáu mesur sy'n ychwanegu gwerth i gyfnodau allweddol 2, 3 a 4. Fodd bynnag, mae'n darparu rhai dangosyddion defnyddiol. Ar gyfer ymchwil Creu'r Cysylltiadau, gwnaeth ymgynghorydd a gomisiynwyd yn allanol o Ymddiriedolaeth Teulu Fischer ddarparu dadansoddiad data perfformiad sy'n ychwanegu gwerth manwl i awdurdodau lleol SWAMWAC ar draws cyfnod allweddol dau i bedwar. Ni fu'n bosib atgynhyrchu'r dadansoddiad hwn ar gyfer yr adroddiad hwn, ond mae'r gwaith yn parhau.

Crynodeb o'r canfyddiadau

Mae ffigurau DPC yn cynyddu yn CA2 a CA3. Nid yw ffigurau CA1 wedi newid. Nid oedd ffigurau CA4 ar gael ar ddyddiad y dadansoddi, ac ychwanegir hwy'n ddiweddarach.

2. Perfformiad yr Awdurdod Lleol

2 Arolygiadau Awdurdodau Lleol Estyn

Gwnaeth dadansoddiad yr arolygiadau awdurdodau lleol ystyried pob arolygiad ALI ar draws Cymru o 2004 tan 2009. Roedd yn cynnwys elfennau o Reoli Strategol, Cefnogi i Wella Ysgolion, Hybu Cynhwysiad a Lles Cymdeithasol, Anghenion Dysgu Ychwanegol (ADY), Mynediad a Threfniadaeth Ysgolion a Gwasanaethau Cefnogi. Ni arolygwyd pob elfen ym mhob ALI, ond bu lefel sylweddol o weithgaredd ym mhob ALI, gan ganiatáu i ddadansoddiad defnyddiol gael ei gynnal.

Crynodeb o'r Canfyddiadau

- Yn gyffredinol, mae gan awdurdodau SWAMWAC yr un dyfarniadau neu well na Chymru gyfan yn y ddau faes a arolygwyd; perfformiad cyfredol a rhagolygon gwelliant, gyda pherfformiad da gan un neu fwy o awdurdodau SWAMWAC ym mhob maes allweddol.
- Yr eithriad i hyn yw Mynediad a Threfniadaeth Ysgolion, lle roedd dyfarniadau perfformiad presennol ar y cyfan yn is na Chymru gyfan, gydag amrywiaeth sylweddol ar draws yr awdurdodau, er bod rhagolygon gwelliant yn gyffredinol dda. Roedd y maes hwn hefyd yn faes gwelliant sylweddol i'r ddau awdurdod lleol yn y dadansoddiad blaenorol. Mae hwn yn faes allweddol at sylw'r awdurdodau, ac mae cyfleoedd clir i gydweithio.
- I bob ALI SWAMWAC, caiff y rhagolygon gwelliant eu graddio yr un peth neu'n uwch na'r dyfarniad ar berfformiad.
- Mae lefel uchel o gysondeb dyfarniadau ar draws SWAMWAC am Reolaeth Strategol a Chefnogi i Wella Ysgolion lle nad oes diffygion pwysig yn unrhyw un o'r ALI.

2.1 Arolwg Canfyddiadau Ysgol 2009

Cynhelir yr arolwg eilflwydd hwn gan y Comisiwn Archwilio, ac mae'n gofyn i ysgolion yng Nghymru a Lloegr am eu barn am y gefnogaeth a dderbynnir gan eu cyngor a'r gwasanaethau a ddarperir yn lleol i'w disgyblion.

Disgwylir i'r canlyniadau gael eu defnyddio gan gynghorau at ddibenion hunanwerthuso, ac fe'u defnyddir gan y Comisiwn Archwilio a Swyddfa Archwilio Cymru ac Estyn ac arolygiaethau eraill fel cydran allweddol o arolygiadau ALI ac Adolygiadau ar y Cyd. Nid oedd pob awdurdod wedi cymryd rhan yn yr arolwg eilflwydd hwn ar gyfer adroddiad Creu'r Cysylltiadau, ond yn 2009, cymerodd bob awdurdod SWAMWAC ran. Mae'r cwestiynau'n casglu data o ysgolion mewn adrannau tebyg i agweddau a arolygir gan Estyn.

- Mae'r ymatebion o'r arolwg yn dangos ymatebion llai cyffredin ar draws awdurdodau i ganlyniadau'r adroddiad blaenorol o 2005, gyda phob datganiad ar draws yr arolwg yn cynnwys ymatebion yn y chwarteli uchaf ac isaf.
- Mae'r arolwg yn mesur **canfyddiad** y gefnogaeth a ddarperir gan yr ALI, ac nid safonau gwella ysgolion neu ADY – felly gallai'r canfyddiadau fod yn wahanol i ganfyddiadau arolygiadau Estyn.
- Nid yw'r ymatebion i'r arolwg canfyddiadau fel arfer yn cydberthyn i ganlyniadau arolygiad Estyn. Er enghraifft, yn arolygiadau diweddar Estyn o Gefnogi i Wella Ysgolion, derbyniodd bob awdurdod lleol SWAMWAC (ar wahân i 1) 2 neu well am berfformiad, a derbyniodd bob un o'r chwech 2 neu well am rhagolygon gwelliant. Eto mynegwyd anfodlonrwydd sylweddol yn erbyn Cwestiynau B3 – effeithiolrwydd wrth herio ysgolion, B9 a B10 – cefnogi cyrhaeddiad yn CA3 a CA4, B17 - darparu gwybodaeth ariannol i gefnogi gwella ysgolion a B18 – defnyddio data perfformiad disgyblion i gefnogi gwella ysgolion.

4. Tystiolaeth o Ddatblygu Gwaith Consortiwm Aeddfedrwydd

- Fel rhan o'r prosiect Creu'r Cysylltiadau, dadansoddwyd gwaith y grwpiau amrywiol ar draws awdurdodau SWAMWAC wrth nodi a chynllunio, ar lefel weithredol, meysydd allweddol gwaith consortiwm angenrheidiol ac ymarferol i wella cyflwyno gwasanaethau, ac roedd y deilliannau'n sylfaen i'r Cynllun Strategol Gwaith Consortiwm cyntaf. Nodwyd y fethodoleg a'r gweithdrefnau llywodraethu i gydweithio, cytunwyd arnynt a rhoddwyd hwy ar waith hefyd.
- Am dair blynedd ers 2006, mae SWAMWAC wedi gweithredu ar y sylfaen honno y cytunwyd arni, yn ôl Cynllun Strategol Gwaith Consortiwm, a adolygir ac a ddiweddarir yn flynyddol. Ystyriwyd yn briodol cyflawni adolygiad mwy ffurfiol o drefniadau gwaith consortiwm yn 2009-10, gan ddiweddarau'r ymchwil a gynhaliwyd yn wreiddiol o dan y prosiect Creu'r Cysylltiadau.
- Rhoddwyd proses hunan adolygu ffurfiol ar waith. Roedd hyn yn cynnwys holiadur hunanwerthuso ffurfiol, yn cynnwys cwestiynau amrywiol, a thrafodaeth strwythuredig, oll wedi'u dylunio i gael ymatebion ar y meysydd gwaith a'r canlyniadau amrywiol oedd yn dargedau yng Nghynllun Strategol Gwaith Consortiwm 2008-09, ac ar ddiulliau gweithio cyfredol.
- Roedd y data a gasglwyd yn destun dadansoddiad meintiol ac ansoddol, gan nodi meysydd arfer da, a meysydd i'w gwella. Mae gwybodaeth a gasglwyd yn y dadansoddiadau yn diweddarau ac yn cefnogi blaenoriaethau Cynllun Strategol Gwaith Consortiwm 2009-10.
- Derbyniwyd ymatebion gan 60% o'r Grwpiau Gweithredol, gan gynnwys y Grŵp Strategol a Grŵp y Penaethiaid, gyda chyfanswm o 63 o aelodau grŵp yn cwblhau'r holiadur ac yn cymryd rhan yn y trafodaethau.

Crynodeb o'r canfyddiadau

- Yn gyffredinol, doedd dim llawer yn peri syndod yn nadansoddiad ystadegol yr ymatebion. Yn gyffredinol, mae aelodau grŵp yn fwy ymwybodol o'r gweithgareddau sy'n effeithio'n uniongyrchol ar eu meysydd gwaith eu hunain.
- Nododd nifer o ymatebion fod lle i wella cyfathrebu ehangach am ehangder a llwyddiant mentrau gweithio'r consortiwm. Er enghraifft, er bod mwyafrif yn cefnogi'r syniad bod gweithio ar y cyd yn darparu cyfleodd ac effeithlonrwydd datblygu deunyddiau hyfforddi ar y cyd a digwyddiadau a ddatblygir ar y cyd, nododd lleiafrif sylweddol fod lle i ehangu'r math hwn o waith datblygu, a bod cyfathrebu a rhannu ehangach o'r gwaith datblygu yn angenrheidiol. Hefyd, doedd lleiafrif sylweddol ddim yn ymwybodol o'r mentrau.
- Yn galonogol, roedd y cwestiynau oedd yn ceisio nodi lefel y cyfathrebu am waith consortiwm o fewn awdurdodau lleol yn nodi lefel dda o drafod cyson am waith consortiwm mewn cyfarfodydd tîm.
- Er bod mwyafrif yn deall diben gwaith consortiwm ac yn gallu nodi manteision, roedd diffyg gwybodaeth o strwythurau a systemau llywodraethu'r consortiwm ac o effaith gwaith consortiwm ar effeithlonrwydd. Mae hwn yn faes a drafodir yng Nghynllun Strategol Gwaith Consortiwm 2009-10.
- Mae tystiolaeth o lefel dda o wybodaeth am ddefnydd data perfformiad i ddiweddarau dadansoddi cryfderau a gwendidau ysgolion o fewn yr awdurdod cartref, ond lefel is o wybodaeth o gymharu perfformiad ysgolion/disgyblion ar draws awdurdodau. Eto, trafodir hyn yng Nghynllun Strategol Gwaith Consortiwm 2009-10.
- Roedd y mwyafrif yn ymwybodol o'r ymagwedd consortiwm, ac yn gefnogol ohoni, i ysgolion gael mynediad at gyfleoedd datblygu proffesiynol, er nad oedd lleiafrif sylweddol yn gwybod a oedd staff yn cael eu hannog i fynychu'r rhaglenni. Gallai hyn nodi problem gyfathrebu, ond nodwyd hefyd y gallai hon fod yn broblem ariannu.
- Nododd y data ansoddol o'r dadansoddiadau bod aelodau grŵp yn gyffredinol hapus gyda'r trefniadau gweinyddol a chyfarfod cyfredol, ond cafwyd awgrymiadau am welliannau y gweithredir arnynt lle bynnag y bo modd.
- Roedd y rhan fwyaf yn teimlo bod gwerth i waith consortiwm ac yn gallu nodi achlysuron lle roedd hyn wedi helpu eu gwaith, ond doedd dim llawer o dystiolaeth fanwl ar gael. Gwerthfawrogyd y gallu i fynd i'r afael â chysondeb ymarferol.
- Nododd y trafodaethau grŵp nifer o gynigion am feysydd datblygu gwaith consortiwm, gan gynnwys arweinyddiaeth systemau ac ehangu i gynnwys elfennau o'r agenda plant ehangach.

Gwerthusiad allanol

- Yn ogystal â'r hunanadolygiad, comisiynwyd gwerthusiad allanol, ac arhosir am yr adroddiad ar hyn o bryd.

Casgliad

Rydym yn gwneud cynnydd da ar ddeilliannau gwaith consortiwm ac wrth ddatblygu'r ffordd rydym yn gweithio. Mae gennym ddarlun clir o'n sefyllfa bresennol a ble dylem fynd ar sail tystiolaeth. Credwn ein bod mewn lle da i ychwanegu gwerth at waith pob awdurdod ac i gefnogi pob awdurdod i greu effeithlonrwydd drwy waith consortiwm. Nid yw gwaith consortiwm yn ychwanegu at waith pob awdurdod i gefnogi gwella ysgolion, ond mae'n hanfodol i gyflawni diben busnes a moesol craidd gwella deilliannau i bob dysgwr.

Dogfennau Ategol ar Gael

1	Adolygiad o Gynllun Strategol Gwaith Consortiwm 2008-2009	Hydref 2009	SWAMWAC
2	Crynodeb o Gyflawniadau Gwaith Consortiwm 2008-09	Tachwedd 2009	SWAMWAC
3	Cynllun Strategol Gwaith Consortiwm 2009-10	Tachwedd 2010	SWAMWAC
4	Ymchwil Perfformiad Gwaith Consortiwm 2009-10	Chwefror 2010	SWAMWAC
5	Hunanwerthuso Gwaith Consortiwm	Chwefror 2010	SWAMWAC
6	Datblygu System Genedlaethol ar gyfer Addysg yng Nghymru Drwy Fewnosod y Fframwaith Effeithiolrwydd Ysgolion	Chwefror 2010	LICC